

吳郡志卷四十二

吳郡 范成大 撰

浮屠

唐僧印宗郡人姓印氏精涅槃經咸亨中至京師詔居大敬愛寺辭往蘄春謁忍師遂至廣州遇六祖能大師盡悟方外之旨著心要集行于世

道欽崑山人姓朱氏初業儒有元素禪師者爲落髮授學旣別戒之曰汝乘流而行逢徑卽

汲古閣

正本氏

一

止欽至臨安見東北一山秀出樵子曰此徑山也欽遂居之爲開山第一代禪宗召至內

庭賜號國一禪師辭歸山

傳錄 燈

義師者蘇州人狀如風狂正元中民起僦屋十餘間義師忽運斤壞其簷禁之不可主人素知其神拜曰弟子生活賴此師曰爾惜之耶擲斤於地而去其夜市中火惟所壞簷屋數間獨存常止於廢寺殿中冬夏常積火壞幡木像悉燔之好燒鯉魚不具漑而食垢面不

類類輒雨吳中以為雨候將死飲灰汁數斛
念佛坐不飲食郡人日往觀之七日而逝盛
暑色不變支不摧

西陽雜俎

續空者吳人本齊君房也苦貧勤學為凍餒所
驅元和初游錢塘至孤山寺西飢甚不能前
俄有胡僧顧君房笑曰法師諳旅況否君房
曰何哉僧曰子不憶講法華經於洛中同德
寺乎應為飢火所惱不暇憶前事探鉢囊出
一棗大如拳曰此吾國所產食之者知過去

吳郡卷四十二

二

未來事君房食訖甚渴掬泉水飲之急欠伸
枕石而寢有頃乃寤思講經於同德寺如昨

日焉乃落髮

纂異記

僧晝字皎然吳僧也工律詩嘗謁韋蘇州恐文
體不合乃苦思作古體十篇為贄韋殊不稱
賞晝失望明日寫其舊製以獻韋吟諷歎味
不釋手因語晝云師幾失聲名不以所工見
投而猥希老夫之意人各有所得非卒能致
晝大服其精鑒

鑒師者元和初郡人馮生調選長安有老僧自稱鑒師詣生曰汝吾甥也相與往來歲餘馮得東越尉鑒師負笈告去曰我廬於靈巖寺之西廡久矣遊長安忽十年幸與君相遇今將歸舊居故來告別然君尉越道出靈巖寺下當一訪我後數月馮生道經靈巖卽入詣焉詢寺僧鑒師廬安在僧曰吾曹無名鑒者生始疑異默計鑒信士豈欺我獨遊寺庭行至西廡下乃有羣僧畫像其一狀類鑒師生

大驚視其題云馮氏子吳郡人年十歲學浮

屠氏法以道行聞

出宣志

後唐廬山僧紹宗姑蘇人性朴野不羣流俗江南李國主造寺居之又躬入山請謁甚加禮

重錄傳燈

漢清化師全付崑山人隨父賈販至豫章聞禪會之盛求出家學成自仰山還故國錢忠獻王賜以紫方袍不受改賜衲衣號純一禪師師曰吾非飾辭恐後人倣吾而逞欲耳開運

中坐亡有大風震林木焉

傳錄 燈

希辯常熟人聽律於楞伽受心印於天台乾德
初吳越忠懿王以清泰院居之號慧智禪師
太平興國中隨王入覲見於滋福殿賜號慧
明端拱中乞還故里賜 御書急就章逍遙
詠祕藏詮及太平聖惠方凡一百三十卷以
寵之

本朝毛僧日遊聚落飲啖無所擇輕簿子多狎
玩之貴勢要之不詣忽謂人曰吾死矣乃危

吳郡卷四十二

四

坐誦偈曰毛僧毛僧事事不能死了燒却恰
似不曾言卒而化

墨客
揮犀

遇賢姓林氏東禪院僧飲酒無算鄉人目曰林
酒仙口中可容雙拳間有異事每出人羣聚
觀之能自圖其形無毫釐不肖好吟詩語雖
俗而有理致有云楊子江頭浪最深行人到
此盡沉吟它時若遇無波處還似有波時用
心門前綠樹無啼鳥庭下蒼苔有落花聊與
東風論箇事十分春色屬誰家心閑增道氣

忍事敵灾屯謹言終少禍節儉勝求人如此
類甚多不具錄今其真身塑於院中

惠詮吳僧佯垢汙而詩絕清婉嘗書西湖一山
寺壁曰落日寒蟬鳴獨歸林下寺柴扉應未
掩片月隨行屨唯聞犬吠聲又入青蘿去蘇
文忠公和於後曰唯聞煙外鍾不見煙中寺
幽人夜未寢草露濕芒屨唯應山頭月夜夜
照來去詮遂以詩知名夜冷齋話

道潛吳僧有標致効陶靖節爲詩嘗自姑蘇歸

西湖經臨平作詩云風蒲獵獵弄輕柔欲立
蜻蜓不自由五月臨平山下路藕花無數滿
汀洲蘇文忠公赴官錢塘得詩大稱賞一見
如舊識嘗有詩曰隔林髣髴聞機杼知有人
家住翠微蘇公曰此吾師十四字師號也蘇
公移守東徐潛訪之館逍遙堂士大夫爭欲
識面饌客罷俱來紅粧擁隨之遣一妓前乞
詩援筆立成曰寄語巫山窈窕娘好將魂夢
惱襄王禪心已作沾泥絮不逐春風上下狂

一坐大驚自是聞名夜冷齋話

宗本園照禪師穹窿山僧元豐六年相國寺新
創慧林智海二寺召本及常總二僧居之本
既至宣見于延和殿賜茶帛賜坐殿上賜茶
而退常例當席殿下蓋異禮也先是中丞舒
亶坐贓勒停稅導洛司舟及江淮小航東歸
太子少保元厚之正議大夫程公闢皆吳人
善謔元聞亶事笑曰舒中丞賃客船歸鄉恨
未有對及本被召津發給餐錢許馳驛其徒

誼譁矜夸公闢笑謂元公曰本長老乘遞馬
赴闕爲公得對矣聞者絕倒林希史

仲殊字師利承天寺僧也初爲士人當預鄉薦
其妻以藥毒之遂棄家削髮時食蜜以解藥
毒蘇文忠公與之還往甚厚號之曰密殊殊
工於詩詞有寶月集行於世其長短句間有
奇作非世俗詩僧比也後自經於枇杷木下
道川本崑山縣弓手翟超以勇力名方被差捕
賊宿廟中忽有所得徑投山西東齋出家徧

遊江湖間道遇虎不爲動虎亦馴伏其旁一日大書四句云我有一條鐵柳標縱橫妙用無人識臨行撥轉上頭關轟起一聲春霹靂危坐脫去有注金剛經其徒傳誦之

法全崑山陳氏子從道川爲僧一日行惠應廟前偶首觸柱忽自云有所得旁觀其精采燁然全不自覺也後爲名僧號無庵

文暢吳人韓文公有送北遊詩有昔僧在四謁門自館言晨

本吳人少小學戒城關已遠發薦根源秉粗識徒事聲輒

汲古閣 正毛 本氏

七

譽耀前汗從求送先行詩閱屢窮巷未顛得窺今剗十

又聞越謂大僧當何少路安補草剗序別頗出其囊上論文古滿之聽

初不聽以瑩施若飲罰水下救迷風塵一豁門時日際多僧

如髮三巾年鞮荒嶺共守誰坐思甚含租噦聚異來物

得京官多照門戶見慶少逢歇而能勒不來過比重

惠安可戾當今鷹聖僕初恩北澤門威德胡爲不

相公鎮幽都竹帛爛自勲可伐得津場從茲富獵裘騎

馬寧復茹藜蕨余獨僧還相訪來山藥堯可庇掘身

